

BWRDD GWEITHREDOL

12 Ebrill 2021

YN BRESENNOL: Y Cynghorydd E. Dole (Cadeirydd)

Y Cynghorwyr:

C.A. Campbell, H.A.L. Evans, L.D. Evans, P.M. Hughes, P. Hughes-Griffiths,
D.M. Jenkins, L.M. Stephens a J. Tremlett

Roedd y Swyddogion canlynol yn bresennol yn y cyfarfod:

W. Walters, Prif Weithredwr;
C. Moore, Cyfarwyddwr Gwasanaethau Corfforaethol;
J. Morgan, Cyfarwyddwr y Gwasanaethau Cymunedau;
G. Morgans, Cyfarwyddwr Addysg & Gwasanaethau Plant;
R. Mullen, Cyfarwyddwr yr Amgylchedd;
L.R. Jones, Pennaeth Gweinyddiaeth a'r Gyfraith;
P.R. Thomas, Prif Weithredwr Cynorthwyol (Rheoli Pobl a Pherfformiad);
S. Davies, Pennaeth Mynediad i Addysg;
D. Hockenull, Rheolwr y Cyfryngau a Marchnata;
S. Rees, Cyfieithydd Ar Y Pryd;
L. Jenkins, Swyddog Cefnogi Bwrdd Gweithredol;
J. Corner, Swyddog Technegol;
E. Bryer, Swyddog Gwasanaethau Democrataidd;
R. Lloyd, Swyddog Gwasanaethau Democrataidd;
M.S. Davies, Swyddog Gwasanaethau Democrataidd.

Rhith-Gyfarfod: 10.00 yb - 10.35 yb

1. YMDDIHEURIADAU AM ABSENOLDEB A MATERION PERSONOL

Ni chafwyd ymddiheuriadau am absenoldeb.

Rhoddodd yr Arweinydd deyrnged i Ei Uchelder Brenhinol Dug Caeredin yn dilyn ei farwolaeth yn ddiweddar gan ychwanegu bod Cadeirydd y Cyngor wedi ysgrifennu at Ei Mawrhydi Y Frenhines yn mynegi cydymdeimlad dwys â'r Teulu Brenhinol. Roedd baneri wedi cael eu gostwng i hanner mast yn Neuadd y Sir, Neuadd y Dref, Llanelli a Neuadd y Dref, Rhydaman.

Rhoddodd y Dirprwy Arweinydd, a oedd yn siarad ar ran y Grŵp Annibynnol, deyrnged hefyd i Ei Uchelder Brenhinol Dug Caeredin, gan gyfeirio at ei ymweliadau niferus â Sir Gaerfyrddin. Ychwanegodd mai llwyddiant Gwobrau Dug Caeredin i bobl ifanc yn benodol fyddai ei waddol parhaol.

2. DATGAN BUDDIANNAU PERSONOL

Y Cyngorydd	Rhif y Cofnod	Y Math o Fuddiant
L.M. Stephens	8 - Ardrethi Busnes - Cynllun Rhyddhad Ardrethi ar gyfer manwerthu, hamdden a lletygarwch 2021/22;	Mae gan aelod o'r teulu fusnes a oedd yn gymwys ar gyfer y cynllun;
P.M. Hughes	8 - Ardrethi Busnes - Cynllun Rhyddhad Ardrethi ar gyfer manwerthu, hamdden a	Yn byw ar safle busnes;

	lletygarwch 2021/22;	
L. D. Evans	6 - Cynnig y Rhaglen Moderneiddio Addysg i adleoli Ysgol Heol Goffa i safle newydd a chynyddu nifer y lleoedd o 75 i 120;	Mae perthynas yn gweithio yn yr ysgol;
E. Dole	8 - Ardrethi Busnes - Cynllun Rhyddhad Ardrethi ar gyfer manwerthu, hamdden a lletygarwch 2021/22;	Mae gan ei wraig fusnes sy'n rhan o gwmpas y cynllun.

3. COFNODION - 22 MAWRTH 2021

PENDERFYNWYD YN UNFRYDOL lofnodi cofnodion cyfarfod y Bwrdd Gweithredol a gynhaliwyd ar 22 Mawrth 2021, gan eu bod yn gywir.

4. CWESTIYNAU Â RHYBUDD GAN YR AELODAU

Dyweddodd yr Arweinydd fod y Cynghorydd Rob James wedi tynnu yn ôl y pedwar cwestiwn â rhybudd a oedd ganddo.

5. CWESTIYNAU Â RHYBUDD GAN Y CYHOEDD

5.1. CWESTIWN GAN MR IAN KYLE I'R CYNGHORYDD HAZEL EVANS - YR AELOD O'R BWRDD GWEITHREDOL DROS YR AMGYLCHEDD

"A fyddai modd inni gael cydnabyddiaeth o'n cais am gymorth a threfnu ymgynghoriad cyn gynted â phosibl i drafod rhinweddau'r cynnig hwn? I grynhoi'r cynnig, efallai eich bod yn ymwybodol bod Stryd Caerfyrddin wedi bod ar gau am dros flwyddyn erbyn hyn oherwydd gwaith adeiladu sydd ar waith yn y Neuadd Sirol. Yn ystod y cyfnod hwn mae'r busnesau lleol a'r trigolion wedi sylwi ar effeithiau cadarnhaol cau'r heol i draffig trwodd a sefydlwyd deiseb ym mis Medi 2020 yn gofyn am i'r heol barhau ar gau yn barhaol. Llofnodwyd deiseb gan ychydig llai na 300 o bobl ac roedd nifer o sylwadau ynghylch pryderon am ddiogelwch, yn enwedig ynghylch plant ac unigolion llai abl oherwydd bod yr heol/palmant yn gul.

Yn ogystal, mae busnesau lleol wedi gwneud nifer o sylwadau cadarnhaol ynghylch yr angen i gynyddu nifer yr ymwelwyr yn enwedig ar ôl y cyfnod ofnadwy hwn o ran Covid, yn benodol sut roedd cau'r heol wedi gwneud y dref yn lle llawer mwy pleserus i'r trigolion a deniadol i'r ymwelwyr. O ystyried y gwaith ailddatblygu ar hen Neuadd y Farchnad ar ran uchaf Stryd Caerfyrddin, nid yw ystyried newid y mynediad i gerbydau ar hyd yr heol yn gwneud synnwyr mewn gwirionedd.

Rydym (trigolion Heol Caerfyrddin) wedi bod yn pwyso ar Edward Thomas, y Cynghorydd Sir Lleol, a'r adran briffyrdd ers mis Hydref 2020 er mwyn ceisio trefnu ymgynghoriad â ni ynghylch sut y gallwn fwrw ymlaen â'r cynnig hwn, a hyd yma bach iawn yw'r cynnydd rydym wedi'i wneud.

Rydym wedi cael ein siomi gan y Cyngor o ran y diffyg cydnabyddiaeth a chymorth ar gyfer y cynnig hwn a gyflwynwyd gan y trigolion a'r busnesau yn y dref, a gofynnwn i chi, fel yr Aelod o'r Bwrdd Gweithredol sydd â chyfrifoldeb dros Briffyrdd, roi ateb inni ynghylch y cwestiwn uchod."

Ymateb y Cynghorydd Hazel Evans, yr Aelod o'r Bwrdd Gweithredol dros yr Amgylchedd:-

“Diolch i chi Mr Kyle am eich cwestiwn, rwyf wedi nodi eich sylwadau a'ch pryderon. Rwyf wedi ymweld â'r safle ac wedi ystyried y materion yr ydych wedi'u codi.

Rwyf ardeall bod y rhan isaf o Stryd Caerfyrddin yn dyddio'n ôl i'r oesoedd canol ac, fel yr ydych yn nodi, mae'r ffordd a'r troedffyrdd yn gul. Yn y cyd-destun hwn gallaf ddeall y rhesymeg y tu ôl i'ch awgrym o gau'r ffordd yn barhaol i draffig ac mae hyn yn cyd-fynd ag amcanion trafniadaeth ehangach y Cyngor Sir o annog mwy o gerdded a beicio mewn trefi. Fodd bynnag, mae hefyd yn bwysig deall bod Stryd Caerfyrddin yn rhan o rwydwaith priffyrdd ehangach ac mae angen nodi bod ymyriadau ar un rhan o'r rhwydwaith yn effeithio ar fannau eraill, felly mae angen rhoi ystyriaeth gytbwys a chyfannol i'r mater.

Rwyf wedi trafod y goblygiadau hyn â'r Cynghorydd Thomas ac mae'r ddau ohonom yn rhannu nifer o bryderon gan gynnwys:

- Diffyg cyfleusterau troi digonol a diogel ym mhen uchaf Stryd Caerfyrddin.
- Y llwybr estynedig y byddai'n rhaid i draffig lleol ei ddefnyddio.
- Pwysau traffig ychwanegol a ddargyfeiriwyd ar groesffordd Heol Newydd / A483 / Heol Cilgant
- Yr effaith ar fusnesau ar ran uchaf Stryd Caerfyrddin
- Sut y byddai gwahardd gyrru ar y ffordd yn cael ei orfodi wrth ystyried yr angen i gadw mynediad ar gyfer gwasanaethu'r adeiladau ar hyd Stryd Caerfyrddin a'r effaith y byddai'r traffig hwn yn ei chael ar gerddwyr;
- Yr effaith y byddai cau'r ffordd yn ei chael pan gaiff traffig ei ddargyfeirio oddi ar Stryd Rhosmaen.

Os byddwch yn cynnwys yr opsiwn o ffordd osgoi, byddai hyn hefyd yn effeithio ar y dewisiadau.

Mae angen asesu ac ystyried yr holl faterion hyn mewn perthynas â'r manteision y byddai gwaharddiad gyrru yn eu cynnig a bydd y Cynghorydd Edward Thomas yn cael ei gynnwys fel yr aelod lleol. Mae angen gwerthuso a modelu pob cynnig a dim ond wedyn y byddem yn gallu ymgynghori pan fydd opsiynau ymarferol ar gael. Rwyf wedi gofyn i Swyddogion ymchwilio'n fanylach i'r materion hyn a pharatoi adroddiad ar eu canfyddiadau ynghyd ag unrhyw argymhellion priodol i'w hystyried a'u trafod. Byddaf yn gofyn i Swyddogion sicrhau bod copi o'r adroddiad ar gael i chi pan fydd wedi'i gwblhau.”

Nid oedd unrhyw gwestiwn atodol.

6. CYNNIG Y RHAGLEN MODERNEIDDIO ADDYSG I ADLEOLI YSGOL HEOL GOFFA I SAFLE NEWYDD A CHYNYDDU NIFER Y LLEOEDD O 75 I 120

[SYLWER: Roedd y Cynghorydd L.D. Evans wedi datgan buddiant yn yr eitem hon yn gynharach.]

Bu'r Bwrdd Gweithredol yn ystyried adroddiad a oedd yn nodi, yn dilyn ymgynghoriad, y cynigion i adleoli Ysgol Heol Goffa erbyn Medi 2023 i safle newydd wrth ymyl Ysgol Pen Rhos a gwblhawyd yn ddiweddar a chynyddu ei capasiti o 75 i 120.

Roedd y Bwrdd, yn ei gyfarfod ar 21 Rhagfyr 2020 [gweler cofnod 7], wedi cymeradwyo cyhoeddi'r Hysbysiad Statudol gofynnol. Cyhoeddwyd yr Hysbysiad Statudol ar 11 Ionawr, 2021 gan ganiatáu 28 o ddiwrnodau i wrthwynebwyr anfon eu gwrthwynebiadau'n ysgrifenedig at y Cyngor. Fodd bynnag, ni dderbyniwyd unrhyw wrthwynebiadau ac felly nid oedd Adroddiad Gwrthwynebu.

Dywedwyd wrth y Bwrdd bod llythyr i gefnogi'r cynigion wedi dod i law gan Gadeirydd Llywodraethwyr Ysgol Heol Goffa a oedd hefyd yn canmol y Cyngor am ei fuddsoddiad yn yr ysgol newydd a'i ymrwymiad i weithio gydag ysgolion eraill yn y sir i gefnogi dysgwyr a staff.

PENDERFYNWYD YN UNFRYDOL ARGYMELL I'R CYNGOR, ar y sail canlynol:

- nad oes unrhyw gynigion cysylltiedig eraill;
- bod ymgynghoriad wedi'i gynnal ynghylch y cynnig statudol a chafodd ei gyhoeddi yn unol â'r Cod Trefniadaeth Ysgolion ac roedd yn cynnwys yr holl wybodaeth berthnasol ac, ar ôl ystyried y ddogfen ymgynghori a'r adroddiad ymgynghori;
- ni dderbyniwyd unrhyw wrthwynebiadau mewn ymateb i'r Hysbysiad Statudol;

bod y cynigion felly i adleoli Ysgol Heol Goffa a chynyddu ei chapasiti o 75 i 120, fel y nodir yn yr Hysbysiad Statudol, yn cael eu rhoi ar waith.

7. ADRODDIAD YNGHYLCH RHEOLI'R TRYSORLYS A'R DANGOSYDDION DARBODAETH RHWNG 1 EBRILL 2020 A 31 RHAGFYR 2020

Bu'r Bwrdd Gweithredol yn ystyried adroddiad diweddar ar weithgareddau rheoli'r trysorlys a'r dangosyddion darbodus ar gyfer y cyfnod rhwng 1 Ebrill 2020 a 30 Mehefin 2020.

Talwyd teyrnged i'r gwaith a wnaed gan swyddogion yn ystod y cyfnod eithriadol hwn o sicrhau bod y Dangosyddion Darbodus yn parhau o fewn y terfynau a bennwyd gan Gyllideb 2020-2021 a Pholisi a Strategaeth Rheoli'r Trysorlys 2020-2021.

PENDERFYNWYD YN UNFRYDOL bod yr Adroddiad Chwarterol ynghylch Rheoli'r Trysorlys a Dangosyddion Darbodaeth rhwng 1 Ebrill 2020 a 31 Rhagfyr 2020 yn cael ei dderbyn.

8. ARDRETHI BUSNES - CYNLLUN RHYDDHAD ARDRETHI AR GYFER MANWERTHU, HAMDDEN A LLETYGARWCH 2021/22

SYLWER: Roedd y Cynghorwyr E. Dole, P.M Hughes ac L.M.Stephens, wedi datgan buddiant yn yr eitem hon yn gynharach a felly roeddent wedi gadael y cyfarfod.

Felly, cadeiriodd y Cynghorydd D.M.Jenkins weddill y cyfarfod.]

Bu'r Bwrdd Gweithredol yn ystyried adroddiad a oedd yn manylu ar gynnig Llywodraeth Cymru i ymestyn y cynllun Rhyddhad Ardrethi ar gyfer Manwerthu, Hamdden a Lletygarwch hyd at 2021/22. Gan mai mesur dros dro oedd hwn mewn ymateb i'r sefyllfa oherwydd Coronafeirws nid oedd Llywodraeth Cymru yn gwneud unrhyw newidiadau deddfwriaethol ond yn hytrach byddai'n caniatáu i awdurdodau bilio roi rhyddhad o dan y pwerau rhyddhad yn ôl disgrisiwn cyffredinol sydd ar gael o dan Adran 47 o Ddeddf Llywodraeth Leol (Cyllid) 1988. Gan ei fod yn bŵer disgrisiwn, fodd bynnag, roedd yn ofynnol i bob Awdurdod Lleol fabwysiadu'r cynllun yn ffurfiol a fyddai'n cael ei ariannu'n llawn heb unrhyw gost i'r awdurdod ar yr amod bod y rhyddhad yn cael ei roi yn unol â chanllawiau Llywodraeth Cymru.

Byddai'r cynllun, a oedd yn anelu at ddarparu cymorth ar gyfer eiddo cymwys drwy gynnig gostyngiad o 100% ar y bil ardrethi annomestig ar gyfer eiddo, i bob safle cymwys, yn gymwys i bob trethdalwr cymwys sydd â gwerth ardrethol o £500,000 neu lai.

PENDERFYNWYD YN UNFRYDOL bod y Cynllun Rhyddhad Arthdrethi 2021/22 ar gyfer Manwerthu, Hamdden a Lletygarwch yn cael ei fabwysiadu.

9. UNRHYW EITEMAU ERAILL Y GALL Y CADEIRYDD, OHERWYDD AMGYLCHIADAU ARBENNIG, BENDERFYNU Y DYLLID EU HYSTYRIED YN FATERION BRYD YN UNOL AG ADRAN 100B (4) O DDEDDF LLYWODRAETH LEOL 1972.

Dywedodd y Cadeirydd nad oedd unrhyw eitemau eraill o fater brys.

Y CADEIRYDD

Y DYDDIAD